

MOLEKGOTLA-PHETIŠI WA KGORO YA POLOKEGO LE MEYARA BA THAKGOLA LENANEO LA POLOKEGO

Badudi ba ditikologo tša go fapana fapana tša Masepala wa Blouberg, ba hlwile ba kgobokane ka mabaleng a diPapadi a Senwabarwana. Sebiletšwa ebe ele go tla go hlatsela ge Meyara Cllr Maseka Pheedi a be a thekgane le molekgotlaphetiši wa kgoro ya polokego Namane Dickson Masemola, go thakgola lenaneo la polokego la Street Committees. Maloko a gotšwa diWadeng ka moka tša Masepala tše 22 a hlaotšwe goba karolo ya maloko a 400 a Street Committees. Le ke nenaneo la goikgetha leo le nepilego go fokotša maemo a bosenyi ka mono masepaleng wa Blouberg.

Blouberg ke o mongwe wa Mabasepala ye mebedi ka mono probenseng ya Limpopo, yeo go tsebišitšwego goba e rwešitšwe dipataka malebana le mošomo o mobotse wa maloko a Street Committees. Molekgotla-phetiši Masemola o gateletše bohlokwa bja goba gona ga maloko a Street Committees ka gare ga metse. O re ge badudi baka šumišana le maloko a dikomiti, gape le maphodisa, mathata a bosenyi a tlo fokotšega ka kudu. Meyara wa Blouberg Cllr Maseka Pheedi o ipileditše go setšhaba go sumišana le maphodisa, mola a ipileditše go maphodisa le ona go šumišana le setšhaba.

Lekala la sephodisa la Senwabarwana le ikanne go netefatša gore mathata a goineelela ga baswa ka diokobatši a tla šalwa morago gofihlela bothata bjoo bo rarollwa. Seo ba se gateletšego ke gore setšhaba se šumišane le bona go šupa bao ba gwebago ka diokobatši.



